

Početak emitovanja radio i TV serije “Od ideje do biznisa”

Visoki predstavnik, Wolfgang Petritsch, i šef delegacije Evropske komisije u BiH, HansJoerg Kretschmer, danas će predstaviti radio i TV seriju “Od ideje do biznisa”.

“Od ideje do biznisa” predstavlja vodič za osnovna pitanja u vezi sa pokretanjem odnosno unapređenjem poslovanja malih ili srednjih preduzeća u BiH, od pravljenja poslovnog plana, registriranja preduzeća, dobijanja kredita, zapošljavanja radnika i finansijskog vođenja firme, do pronalaženja i zadržavanja klijenata.

Radio i TV seriju koja se sastoji 10 epizoda, sa pratećim materijalom, producirali su OHR i Program za brzo djelovanje Evropske Unije (koji realizira CARE), u saradnji sa 19 radio stanica i 7 regionalnih TV stanica širom Bosne i Hercegovine.

Svaka od emisija trajeće sat vremena, i sastojće se od zajedničkog istovjetnog dijela i dijela sa lokalno urađenim materijalom. Zajednički materijal sadrži jednostavan uvod o svakoj od tema koji daju stručnjaci Programa za brzo djelovanje Evropske Unije, zatim snimljene intervjuje sa velikim brojem privrednika iz BiH, te džinglove po kojima će serija biti prepoznatljiva. Lokalne radio i televizijske stanice i same će dati svoj doprinos ovoj seriji, u vidu studijskih intervjuja sa lokalnim privrednicima, općinskim zvaničnicima ili predstavnicima poslovnih konsultantskih službi i banaka, kojima će se slušaoci i gledaoci moći obraćati sa pitanjima u toku trajanja svake od emisija, te intervjuje i ankete među lokalnim stanovništvom.

Besplatna brošura uz ovu seriju moći će se dobiti od radio i TV stanica koje sudjeluju u ovom programu, te ureda OHR-a i Programa za brzo djelovanje. U njoj se nalaze osnovne

smjernice iz same serije, kao i po jedan uzorak poslovnog plana i sveobuhvatan imenik konsultantskih firmi, finansijskih institucija i privrednih komora u BiH.

Serijsa će se emitirati u periodu od sada pa sve do decembra, i to na sljedećim stanicama: EFM radio, Radio Srpsko Sarajevo, Radio Bratunac, TV kanal S, RTV Goražde, TV Zenica, TV KISS, TV Travnik, TV Bugojno, Radio postaja Žepče, Radio TNT Travnik, Radio Donji Vakuf, Radio i TV TK, Radio Dobojski, Radio Osvit/Zvornik, Radio Gračanica, Radio Bobar, RT RS Radio, Radio Gradiška, Radio Prijedor, Radio Sanski Most, Radio Bihać, RTV Mostar, Radio Livno, Radio Trebinje.

Sve intervjue iz centralne produkcije uradio je OHR uz pomoć EFM studentskog radijsa iz Sarajeva te studijsa Flash, također iz Sarajeva. Sav grafički materijal i džinglove uradio je dizajner Faruk Šabanović i EFM studentski radio.